

**PEMBERITAHUAN PERTANYAAN DEWAN RAKYAT
JAWAPAN OLEH YB DATUK SERI DR. S.SUBRAMANIAM
MENTERI KESIHATAN MALAYSIA**

PERTANYAAN : LISAN
DARIPADA : YB DATUK HAJAH NORAH BINTI ABD
RAHMAN [TANJONG MANIS]
TARIKH :
SOALAN :

YB Datuk Hajah Norah binti Abd Rahman [Tanjung Manis] minta **MENTERI KESIHATAN** menyatakan sama ada Kementerian dapat mempertimbang sekali lagi untuk membangun sebuah Klinik Kesihatan di Kampung Penipah, Pulau Bruit, Tanjung Manis.

Tuan Yang di Pertua,

Pada masa ini penduduk di Kampung Penipah, Pulau Bruit, Tanjung Manis seramai 1,487 orang mendapat perkhidmatan kesihatan di tiga (3) buah klinik kesihatan yang berdekatan iaitu Klinik Kesihatan Tekajong, Klinik Kesihatan Betanak dan Klinik Kesihatan Bruit.

Jarak perjalanan darat dari Kampung Penipah ke Klinik Kesihatan Tekajong adalah sejauh 4 km, ke Klinik Kesihatan Betanak sejauh 8 km dan ke Klinik Kesihatan Bruit pula sejauh 13 km.

Buat masa ini, keperluan perkhidmatan kesihatan penduduk setempat masih dapat ditampung oleh kemudahan klinik sedia ada. Walaubagaimanapun KKM akan memantau perkhidmatan yang disediakan di klinik ini dan akan menaiktaraf klinik sedia ada sekiranya ada keperluan dalam Rancangan Malaysia (RMK) akan datang.